

यहूदाए ओसरो चिथी

आव चिथी याकूबए ओभाइ यहूदाए ओसरो ज़। नो मिँ येसुए ओभाइ ब ओल्यो (मर्कूस ६:३)। हो बेलाक परमेस्वरए ओपाँ बङ्गद धुतनी पैजूयावराए परमेस्वरए उयुँ मिँराए ल्योदा ओयाल्ज्याव रँ:द, “जो गेदोदी ब रास्सिज़्याव,” है यालिज़्याव (यहूदा ४)। है जैद आव चिथील यहूदाए नोराए यापाहा झा:द (८-११, १६, १९) परमेस्वरए उमिनत लिज़्याव ओनेँ ओमेँरालाई नो पाँरानी सम्जैद ओराजोगोइव सरै:सिउ लिज़्या।

1 डा याकूबए ओभाइ यहूदा, येसु ख्रीसए ओनोकोरए डाल्योनी, जे परमेस्वरए ओछाँतिचिउर, परमेस्वर गेबाबुए उयुँल लिज़्यावर, येसु ख्रीसए उमिनत नैसिउरालाई आव चिथी परीद डयाचिज़्या।
2 जेल्योदा परमेस्वरए उयुँ झन ज़ ओगराँनाक, जेयुँ ब झन ज़ होलाँ ओतानाक, जे जेल युँ थू जैसिन्या ब झन ज़ ओतानाक।

परमेस्वरकिन तँदाडावरालाई सजा हुन्या ले

3 डायुँलाव डानैँ डामेँर, परमेस्वरए ल्योनी सिप गेदैव जुनी इताव लिज़्या लिद जेलाई सर्द डयाच्या है डाल्यो। खाली परमेस्वरए छैँव उमीँरालाई एकमून्याकावए जूँनी ओयासिउ युँ हुपून्या ओपाँलाई जात ज़ मारासुद जोर्द्याव ताके है लिद जेलाई सर्द्यान्या ओचाहित ची ताके। 4 काराव ल्यो ताकिन धुतनी पैजूयावर तोबो नेब्लो मोँसिद जेखार्ल रूवास पसिद लेर। नो धुतनी पैजूयावर परमेस्वरकिन तँदा जैसिद उयुँ ग़ाल्ज्याव परमेस्वरलाई रँ:द, “जो गेदोदी ब रास्सिज़्याव,” लिद तोबोका तोबो गेर्गे प्रभु येसु ख्रीसलाई याभी:व मिताव ज़ ताके। है जैद नितावराए यासजा भा:किन ज़ नैसिउ लिज़्या।

5 आव डासर्ज्याव पाँर पाइँ ज़ जेसैँज्या। हैदी ब तोबो

नेब्लो डासम्जैचिज्या। परमेस्वरए उमीरालाई इजिपनी पाथस ओरापलेव छीनी ओललाई रासोर सोतोर्यान ज़ याख्याक्यो। 6 स्वर्गताव परमेस्वरए ओचाकर्यार ब परमेस्वरए ओरायो पोल मालिद ओलकिन स०द तँदा बावरालाई परमेस्वरए सजा यान्या छचाम ओमाहुवा पै चुम चुमोल थुनैद यानैव। 7 हिताव ज़ सदोम, गमोरा सोनो निलापजीकाव सहरलाव मिंराए ब यूँ माजामो पातर्या पातर्नी येनर यादोवए खर्क ज़ माजिप्तिन्या मेंःए ज़्यास ताकेर। नो आज्याल पै सतैद नैसिउ लिज्या।

8 परमेस्वरए ओपाँकिन नो धुतनी पैज्यावर मँलाव स्यासो पाँर पैद याक्याँलाई ब माछैव जैज्यार। नोराए सुए पाँ ब माभैःर। स०द स्वर्गताव घेपपाराए यामिन ब बलेद याराएज्यार। 9 खाली परमेस्वरए प्राइँरानी घेपपा ओचाकर्या मिखाएलए ब निताव सैतानए उमिन बलेद मायो। नो चाकर्या मोसाए ओमोरोए उजूँनी सैतानस निइसिक सैतानलाई थल्द ओपाहा झाःद्यान्या यूँ ब मादोक्यो। बुरू, “नँलाई परमेस्वरए ज़ ओफाल्निउक,” है दोक्यो। 10 हैदी ब निताव तँनी पैज्यावराए ते झन यामाथरैधुव पाँत ल०ज्यार। नितावर पुसुराए माँःती यारुँनी जो हुज्या हो ज़ दाद यानी ज़ चुयाप जैसिज्यार। 11 नितावरालाई थैए माँतकन लिज्या। नोर ओभाइलाई सैःज्याव कयिनए ओयेमदा ज़ बाकेर। सोनो लोभए जूँनी बालामए ओदोव येनदा ज़ हिउ झाःकेर। है जैद किताव तँदा जैसिज्याव कोरहलाई परमेस्वरए खदम ओख्याव, नोर ब हिताव ज़ तारिज्यार।

यारुँनी जो हुज्या हो ज़ दोज्यार

12 नितावर प्रभु-भोजल यालाज माहुद जेस सिप ज़्यान्या ते

1:5 1:5 प्रस १२:५१; गन्ती १४:२९-३०
३४:६; दान १०:१३, २१; १२:१; जक ३:२
१६:१-३५

1:7 1:7 उत १९:१-२४ 1:9 1:9 ब्य
1:11 1:11 उत ४:३-८; गन्ती २२:१-३५;

ओमासहिउ पाँ ज़। नोर याफू सव्रॉन्याए जूँनी वाज़ हुज़यार। नितावर उरी माल्यो बादललाई बतासए आदा होदा ओख्याज़्याव मितावर ज़ लिज़यार। ओसै माझाःज़्याव ओजरानी ज़ थँव सीं स्यासोर ब लिज़यार, ओजरानी ज़ भोसो स्यासोर ब लिज़यार। ¹³ नितावराए लाज मोर्नो माचाव यायेन भरी भलए ओख्याव फुइ स्यासोर ज़ लिज़यार। तोबो पोक मालिज़्याव आदा फ्योनी होदा फ्यो बाज़्याव सोरो स्यासोर ब लिज़यार। नोराए याजुँ खर्क ज़ माखेमन्या सुन्द मुन्दौ चुम चुमोल नैसिउ लिज़्या।

¹⁴नितावराए जूँनी आदमए ओपालाकिन सात पिरीड जर्मिउ हनोकए छीनीकावए जूँनी अइ लिद पाँके,

“परमेस्वरए हजारका हजार ओचाकर्यारास हुद,

¹⁵आव नामलाव मिँ ओलकिन तँदा जैसिद मादान्या यादोव भरी, सोनो उउपर्ट माचाव यापाँव भरी ब सतैद्याद सजा यान्या ले।”

¹⁶निताव मिँ एकतार ज़ वीनी फुइ लिद रूमरूमैव ज़ लिज़यार। जो यायुँनी हुज़्या हो ज़ दोज़यार। सन्द सध्योःसिद मिँरालाई याल्योदा जैन्याए जूँनी रलक ब यारापारैज़यार।

जोगोइसिद जे जे सपारैसिच्यो

¹⁷खाली जे ते डायुँलाव डानै डामेर, गेप्रभु येसु ख्रीसए ओसाचीराए डादाकिन ज़ यासथैचिज़्याव पाँर तामेःच्यो। ¹⁸ नोराए यापाँ तोबो आव ज़, “खेमन्या बेलाक परमेस्वरए ओपाँलाई हसैद लन्द यायुँनी जो हुज़्या हो ज़ दोरिज़यार।” ¹⁹ नो परमेस्वरए उमिनत लिज़्यावरालाई फातैव पैज़्यावर ब नोर ज़। नोरास परमेस्वरए उपुरूस ओमाल्योए नोराए मानुवाताव बिचारनी वाज़ दोज़यार।

²⁰खाली जे ते डायुँलाव डानै डामेर, परमेस्वरए ओपाँत जे जे सपारैसिन्याए जूँनी जे जेल छैव पुरूसनी पोंखारिसिच्यो। ²¹ सोनो गेप्रभु येसु ख्रीसए ओदयानी जेदैरिज़्याव अजम्बरी जुनीलाई जेयुँ थू

जैद जेकींक गेलाई मया दाजूयाव परमेस्वरए ओक्याँत ख्यासिद लिच्यो। ²² परमेस्वरए ओपाँत यारुँ चबनै माथरिद नेथोदा लिजूयावरालाई ब परमेस्वरए ओपाँत मयास यारुँ सुहुपद्याद, ²³ मेंःए ओजूयासनी याराजोगोइच्यो। फरी ख्वारालाई जेरासमारिक नोराए यायेन माचाव बेथा मिताव ओतावए नोरास जोगोइसिद दोच्यो।

परमेस्वर दाइनो ओताक

²⁴ गेलाई मादान्या येनराल परिन्या मितावरानी पाथस जोगोइद, गेखत माल्योर जैद, जगै मगैव ओड़ाक ब माछेद रेंद ज बान्या जैजूयाव परमेस्वरए उमिन ओघ्योःक। ²⁵ गेप्रभु येसु ख्रीसनी गेलाई बाँचैजूयाव नो तोबोका तोबो परमेस्वरलाई खर्क ज माखेम्न्या जगै मगैव सोनो नाम नमलाव ओराजूया ओचलैजूयाव ओसक्ती डादाकिन छींङ पै ज ओताक। आमेन।

साःरो बाचा

Kham, Western Parbate: साःरो बाचा (New Testament)

copyright © 2015 Wycliffe Bible Translators, Inc.

Language: (Kham, Western Parbate)

Contributor: Wycliffe Bible Translators, Inc.

Promotional text filled to upload to DBL.

All rights reserved.

2020-11-18

PDF generated using Haiola and XeLaTeX on 30 Dec 2021 from source files dated 30

Nov 2021

258cde44-1703-5da4-948d-94a8b2e9b9dd